



淨
土
懺
法
儀
規

爐香贊

爐香乍爇 法界蒙熏 藥師海會悉遙聞 隨處結祥雲 誠意方殷 諸佛現
全身

南無香雲蓋菩薩摩訶薩（三稱） 南無阿彌陀佛（三稱）

（主白）一切恭敬

一心頂禮十方常住三寶

（主白）是諸眾等 各各胡跪 嚴持香花 如法供養

願此香花雲 遍滿十方界 一一諸佛土
無量香庄嚴 具足菩薩道 成就如來香

（主白）我此香花遍十方 以為微妙光明台

諸天音樂天寶香 諸天肴膳天寶衣 不可思議妙法塵 一一塵出一切塵
一一塵出一切法 旋轉無礙互莊嚴 遍至十方三寶前 十方法界三寶前
悉有我身修供養 一一皆悉遍法界 彼彼無雜無障礙 盡未來際作佛事
普熏法界諸眾生 蒙熏皆發菩提心 同入無生證佛智。

（主呼）供養已 一切恭敬。

如來妙色身 世間無與等 無比不思議 是故今頂禮
如來色無盡 智慧亦復然 一切法常住 是故我皈依
大智大願力 普度於眾生 令舍熱惱身 生彼清涼國
我今淨三業 皈依及禮贊 願共諸眾生 同生安樂剎

一心頂禮宏揚淨樂土。釋迦如來。千百億化身。遍法界諸佛（三稱）
一心頂禮常寂光淨土。阿彌陀如來。清淨妙法身。遍法界諸佛。
一心頂禮實報莊嚴土。阿彌陀如來。微塵相海身。遍法界諸佛。
一心頂禮方便聖居士。阿彌陀如來。解脫相嚴身。遍法界諸佛。

一心頂禮西方安樂土。阿彌陀如來。大乘根界身。遍法界諸佛。
一心頂禮西方安樂土。阿彌陀如來。十方化往身。遍法界諸佛。
一心頂禮三十六萬億一十一萬九千五百同名。阿彌陀佛（三稱）
一心頂禮六方諸佛。阿閼鞞佛。日月燈佛。無量壽佛。焰肩佛。獅子
佛。梵音佛等。遍法界諸佛。
一心頂禮西方安樂主。阿彌陀如來。十方三世一切諸佛。
一心頂禮極樂大乘。四十八願。無量壽經。及彼淨土所有一切法寶。
一心頂禮拔一切業障根本得生淨土陀羅尼。（三稱）
一心頂禮西方安樂土。觀世音菩薩。萬億紫金身。遍法界菩薩摩訶薩。
一心頂禮西方安樂土。大勢至菩薩。無邊光熾身。遍法界菩薩摩訶薩。
一心頂禮西方安樂土。文殊菩薩。大智示現身。遍法界菩薩摩訶薩。
一心頂禮西方安樂土。普賢菩薩。行願剎塵身。遍法界菩薩摩訶薩。
一心頂禮西方安樂土。清淨大海眾。滿分二嚴身。遍法界聖眾。
一心頂禮西方安樂土。七寶地中。九品蓮台。一切諸佛菩薩摩訶薩。
一心頂禮大智舍利弗。無量無數緣覺聲聞。一切賢聖僧。

一心頂禮宏揚淨土。 馬鳴大師。 興崇教法。 龍樹大師。
一心頂禮倡始蓮社。 慧遠法師。 淨土懺主。 慈雲大師。

（主白）經云。若稱我名。必生我國。若不爾者。誓不成佛。若諸眾生。願生極樂。成就妙嚴。威德自在。先當從我。發如是願。

（續跪念）

南無大慈彌陀佛 願我速斷貪嗔痴 南無大慈彌陀佛 願我永離三惡道
南無大慈彌陀佛 願我常聞佛法僧 南無大慈彌陀佛 願我勤修戒定慧
南天大慈彌陀佛 願我恆隨諸佛學 南無大慈彌陀佛 願我圓滿菩提心
南無大慈彌陀佛 願我速會極樂國 南無大慈彌陀佛 願我早同法性身
南無大慈彌陀佛 願我分身遍塵刹 南無大慈彌陀佛 願我廣度諸眾生
南無阿彌陀佛（十稱）
南無觀世音菩薩（十稱）
南無大勢至菩薩（十稱）

(主白) 經云。若有比丘比丘尼。善男子善女人。聞是經受持者。及聞諸佛名者。是諸比丘比丘尼。善男子善女人。皆為一切諸佛之所護念。皆得不退轉於阿耨多羅三藐三菩提。是故今日。至心受持。願垂護念。成就菩提。願得往生。極樂國土。

佛說阿彌陀經（一卷）

如是我聞。一時佛在舍衛國，祇樹給孤獨園。與大比丘僧，千二百五十人俱，皆是大阿羅漢，眾所知識：長老舍利弗、摩訶目犍連、摩訶迦葉、摩訶迦旃延、摩訶俱絺羅、離婆多、周利槃陀伽、難陀、阿難陀、羅侯羅、憍梵波提、賓頭盧頗羅墮、迦留陀夷、摩訶劫賓那、薄拘羅、阿那樓駄，如是等諸大弟子。

并諸菩薩摩訶薩：文殊師利法王子、阿逸多菩薩、乾陀訶提菩薩、常精進菩薩，與如是等諸大菩薩。

及釋提桓因等，無量諸天大眾俱。

爾時，佛告長老舍利弗：「從是西方，過十萬億佛土，有世界名曰極樂，其土有佛，號阿彌陀，今現在說法。」

「舍利弗，彼土何故名為極樂？其國眾生，無有眾苦，但受諸樂，故名極樂。」

「又舍利弗。極樂國土，七重欄楯，七重羅網，七重行樹，皆是四寶周匝圍繞，是故彼國名為極樂。」

「又舍利弗。極樂國土，有七寶池，八功德水，充滿其中，池底純以金沙布地。四邊階道，金、銀、琉璃、玻璃合成。上有樓閣，亦以金、銀、琉璃、玻璃、硨磲、赤珠、瑪瑙而嚴飾之。池中蓮花大如車輪，青色青光、黃色黃光、赤色赤光、白色白光，微妙香潔。」

「舍利弗。極樂國土，成就如是功德莊嚴。」

「又舍利弗。彼佛國土，常作天樂。黃金為地。晝夜六時，雨天曼陀羅華。其土眾生，常以清旦，各以衣祴盛眾妙華，供養他方十萬億佛，

即以食時，還到本國，飯食經行。」

「舍利弗。極樂國土，成就如是功德莊嚴。」

復次舍利弗：「彼國常有種種奇妙雜色之鳥：白鶴、孔雀、鸚鵡、舍利、迦陵頻伽、共命之鳥。是諸眾鳥，晝夜六時，出和雅音。其音演暢五根、五力、七菩提分、八聖道分，如是等法。其土眾生，聞是音已，皆悉念佛、念法、念僧。」

「舍利弗。汝勿謂此鳥，實是罪報所生，所以者何？彼佛國土，無三惡道。」

「舍利弗。其佛國土，尚無惡道之名，何況有實。是諸眾鳥，皆是阿彌陀佛，欲令法音宣流，變化所作。」

「舍利弗。彼佛國土，微風吹動諸寶行樹，及寶羅網，出微妙音，譬如百千種樂，同時俱作。聞是音者，自然皆生念佛、念法、念僧之心。」

「舍利弗。其佛國土，成就如是功德莊嚴。」

「舍利弗。於汝意云何？彼佛何故號阿彌陀？」

「舍利弗。彼佛光明無量，照十方國，無所障礙，是故號為阿彌陀。」

「又舍利弗。彼佛壽命，及其人民，無量無邊阿僧祇劫，故名阿彌陀。」

「舍利弗。阿彌陀佛成佛已來，於今十劫。」

「又舍利弗。彼佛有無量無邊聲聞弟子，皆阿羅漢，非是算數之所能知。諸菩薩眾，亦復如是。」

「舍利弗。彼佛國土，成就如是功德莊嚴。」

「又舍利弗。極樂國土，眾生生者，皆是阿鞞跋致，其中多有一生補處，其數甚多，非是算數所能知之，但可以無量無邊阿僧祇說。」

「舍利弗。眾生聞者，應當發願，願生彼國，所以者何？得與如是諸上善人俱會一處。」

「舍利弗。不可以少善根福德因緣，得生彼國。」

「舍利弗。若有善男子善女人，聞說阿彌陀佛，執持名號，若一日、若二日，若三日，若四日，若五日，若六日，若七日，一心不亂，其人臨命終時，阿彌陀佛，與諸聖眾，現在其前。是人終時，心不顛倒，即得往生阿彌陀佛極樂國土。」

「舍利弗。我見是利，故說此言。若有眾生，聞是說者，應當發願，生彼國土。」

「舍利弗。如我今者，讚歎阿彌陀佛，不可思議功德之利。東方亦有阿鞞佛、須彌相佛、大須彌佛、須彌光佛、妙音佛，如是等恆河沙數諸佛，各於其國，出廣長舌相，遍覆三千大千世界，說誠實言：『汝等眾生，當信是稱讚不可思議功德一切諸佛所護念經。』」

「舍利弗。南方世界，有日月燈佛、名聞光佛、大焰肩佛、須彌燈佛、無量精進佛，如是等恆河沙數諸佛，各於其國，出廣長舌相，遍覆三千大千世界，說誠實言：『汝等眾生，當信是稱讚不可思議功德一切諸佛所護念經。』」

「舍利弗。西方世界，有無量壽佛、無量相佛、無量幢佛、大光佛、大明佛、寶相佛、淨光佛，如是等恆河沙數諸佛，各於其國，出廣長

舌相，遍覆三千大千世界，說誠實言：『汝等眾生，當信是稱讚不可思議功德一切諸佛所護念經。』」

「舍利弗。北方世界，有焰肩佛、最勝音佛、難沮佛、日生佛、網明佛，如是等恆河沙數諸佛，各於其國，出廣長舌相，遍覆三千大千世界，說誠實言：『汝等眾生，當信是稱讚不可思議功德一切諸佛所護念經。』」

「舍利弗。下方世界，有師子佛、名聞佛、名光佛、達摩佛、法幢佛、持法佛，如是等恆河沙數諸佛，各於其國，出廣長舌相，遍覆三千大千世界，說誠實言：『汝等眾生，當信是稱讚不可思議功德一切諸佛所護念經。』」

「舍利弗。上方世界，有梵音佛、宿王佛、香上佛、香光佛、大焰肩佛、雜色寶華嚴身佛、娑羅樹王佛、寶華德佛、見一切義佛、如須彌

山佛，如是等恆河沙數諸佛，各於其國，出廣長舌相，遍覆三千大千世界，說誠實言：『汝等眾生，當信是稱讚不可思議功德一切諸佛所護念經。』」

「舍利弗。於汝意云何？何故名為一切諸佛所護念經？」

「舍利弗。若有善男子、善女人，聞是經受持者，及聞諸佛名者，是諸善男子、善女人，皆為一切諸佛之所護念，皆得不退轉於阿耨多羅三藐三菩提。是故舍利弗，汝等皆當信受我語，及諸佛所說。」

「舍利弗。若有人已發願、今發願、當發願，欲生阿彌陀佛國者，是諸人等，皆得不退轉於阿耨多羅三藐三菩提，於彼國土，若已生、若今生、若當生。是故舍利弗，諸善男子、善女人，若有信者，應當發願，生彼國土。舍利弗，如我今者，稱讚諸佛不可思議功德，彼諸佛等，亦稱讚我不可思議功德，而作是言：『釋迦牟尼佛能為甚難希有

之事，能於娑婆國土，五濁惡世，劫濁、見濁、煩惱濁、眾生濁、命濁中，得阿耨多羅三藐三菩提。為諸眾生，說是一切世間難信之法。」

「舍利弗。當知我於五濁惡世，行此難事，得阿耨多羅三藐三菩提，為一切世間說此難信之法，是為甚難。」

佛說此經已，舍利弗，及諸比丘，一切世間天人阿修羅等，聞佛所說，歡喜信受，作禮而去。

拔一切業障根本得生淨土陀羅尼（四十九遍）

南無阿彌多婆夜。哆他伽多夜。哆地夜他。阿彌利都婆毗。阿彌利哆。悉耽婆毗。阿彌唎哆。毗迦兰帝。阿彌唎哆。毗迦兰多。伽彌膩。伽伽那。枳多迦利。娑婆訶。

(主白) 以此持誦功德。令一切眾生。所修淨行。悉皆成就。復念過去今生。與諸有情。無惡不造。罪累既積。世世相纏。若不懺悔。無由解脫。道業難成。故於今日。恭對披陳。仰冀洪恩。哀憐攝受。

(主白) 我及眾生。無始常為。三業六根。重罪所障。不見諸佛。不知出要。但順生死。不知妙理。我今雖知。猶與眾生。同為一切重罪所障。今對阿彌陀佛及十方佛前。普為眾生。皈命懺悔。惟願加護。令障消滅。

普為四恩三有 法界眾生 悉願 斷除三障 皈命懺悔

(主白) 我與眾生。無始來今。由愛見故。內計我人。外加惡友。不隨喜他。一毫之善。唯遍三業。廣造眾罪。事雖不廣。惡心遍布。晝夜相續。無有間斷。覆諱過失。不欲人知。

不畏惡道。無慚無愧。撥無因果。故於今日。深信因果。
生重慚愧。生大怖畏。發露懺悔。斷相續心。發菩提心。
斷惡修善。勤策三業。翻昔重過。隨喜凡聖。一毫之善。
念十方佛。有大福慧。能救拔我。及諸眾生。從二死海。
置三德岸。從無始來。不知諸法。本性空寂。廣造眾惡。
今知空寂。為求菩提。為眾生故。廣修諸善。遍斷眾惡。
惟願彌陀。慈悲攝受。

至心懺悔	弟子某等	及法界眾生	從無始來	無明所覆
顛倒迷惑	而由六根三業	習不善法	廣造十惡	及五無間
一切眾罪	無量無邊	說不能盡	十方諸佛	常在世間
法音不絕	妙音充塞	法味盈空	放盡光明	照觸一切
常住妙理	遍滿虛空			
我無始來	六根內盲	三業昏暗	不見不聞	不覺不知
以是因緣	長流生死	經歷惡道	百千萬劫	求無出期

願	普與眾生	淨無暇累	若覆若露	自作教他	當令我與	今始覺悟
	同生安養	所修善報	一切重罪	見聞隨喜	法界眾生	今始改悔
		悉亦清淨	畢竟清淨	若憶不憶	三業六根	奉對諸佛
		皆悉回向	我懺悔已	若識不識	無始所作	彌陀世尊
		庄嚴淨土	六根三業	若疑不疑	現作當作	發露懺悔

願	阿彌陀佛	不失淨因	面奉彌陀	一剎那頃
	常來護持	臨命終時	與諸聖眾	生在佛前
	令我善根	身心正念	手執華台	具菩薩道
	現前增進	觀聽分明	接引於我	廣度眾生
				同成種智

（主白）懺悔發願已 皈命禮阿彌陀佛。及一切三寶

南無十方佛 南無十方方法 南無十方僧

南無釋迦牟尼佛
南無阿彌陀佛

南無拔一切業障根本得生淨土陀羅尼

南無觀世音菩薩
南無大勢至菩薩

南無文殊師利菩薩
南無普賢菩薩

南無清淨大海眾菩薩
(三遍)

自皈依佛 當願眾生 體解大道 發無上心

自皈依法 當願眾生 深入經藏 智慧如海

自皈依僧 當願眾生 統理大眾 一切無礙

南無阿彌陀佛 (三稱)

【全文完】